

შპს ენერჯი დეველოპმენტ ჯორჯია

ინდივიდუალური შუალედური არა- აუდირებული ფინანსური ანგარიშგება

2023 წლის 30 ივნისის მდგომარეობით

სარჩევი

ინდივიდუალური შუალედური ფინანსური მდგომარეობის ანგარიშგება.....	3
ინდივიდუალური შუალედური მოგება-ზარალის ანგარიშგება.....	5
ფულადი ნაკადების მოძრაობის ინდივიდუალური შუალედური ანგარიშგება	6
კაპიტალის მოძრაობის ინდივიდუალური შუალედური ანგარიშგება.....	7
ინდივიდუალური შუალედური ანგარიშგების ახლა-განმარტებითი შენიშვნები.....	8

ინდივიდუალური შუალედური ფინანსური მდგომარეობის ანგარიშგება

	30/06/2023	30/06/2022	31 დეკემბერი 2022	31 დეკემბერი 2021
აქტივები				
გრძელვადიანი აქტივები				
ძირითადი საშუალებები	60,831,651	55,208,494	61,493,419	53,001,594
აქტივის გამოყენების უფლება	601,485	441,546	608,123	457,790
გადახდილი ავანსები	-	-	-	651,487
სულ გრძელვადიანი აქტივები	61,433,136	55,650,040	62,101,542	54,110,871
მოკლევადიანი აქტივები				
საგადასახადო აქტივები, ნეტო	931,034	433,227	613,526	7,120
სავაჭრო დებიტორული დავალიანება	1,364,860	648,381	715,562	822,890
გადახდილი ავანსები	249,061	2,506,915	34,304	
სასაქონლო-მატერიალური მარაგები	143,799	473,477	7,039	1,821
ფულადი სახსრები და მათი ექვივალენტები	480,604	1,280,929	91,287	633,624
სულ მოკლევადიანი აქტივები	3,169,358	5,342,928	1,461,718	1,465,455
სულ აქტივები	64,602,493	60,992,968	63,563,260	55,576,326
საკუთარი კაპიტალი				
საკუთარი კაპიტალი	89,691	89,691	89,691	89,691
გაუნაწილებელი მოგება	7,621,817	757,566	5,489,623	(3,700,387)
სულ საკუთარი კაპიტალი	7,711,508	847,257	5,579,314	(3,610,696)
ვალდებულებები				
საიჯარო ვალდებულებები	591,833	434,944	572,070	465,518
პროცენტიანი სესხები	50,027,051	53,617,869	50,817,167	52,965,717
სულ გრძელვადიანი ვალდებულებები	50,618,885	54,052,813	51,389,237	53,431,235
მოკლევადიანი ვალდებულებები				
სავაჭრო და კრედიტორული დავალიანება	823,837	1,179,384	538,157	506,328
საიჯარო ვალდებულებები	77,294	66,784	77,294	27,086
პროცენტიანი სესხები	5,370,970	4,846,730	5,979,258	5,222,373
საგადასახადო ვალდებულება, ნეტო	-	-	-	-
სულ მოკლევადიანი ვალდებულებები	6,272,100	6,092,898	6,594,709	5,755,787
სულ ვალდებულებები	56,890,985	60,145,711	57,983,946	59,187,022
სულ საკუთარი კაპიტალი და ვალდებულებები	64,602,493	60,992,968	63,563,260	55,576,326

გიორგი შუკაკიძე

დირექტორი


გიგა მეყანწიშვილი

ფინანსური მენეჯერი

ინდივიდუალური შუალედური ფინანსური მდგომარეობის ანგარიშგება

	30/06/2023	30/06/2022	31 დეკემბერი 2022	31 დეკემბერი 2021
აქტივები				
გრძელვადიანი აქტივები				
ძირითადი საშუალებები	60,831,651	55,208,494	61,493,419	53,001,594
აქტივის გამოყენების უფლება	601,485	441,546	608,123	457,790
გადახდილი ავანსები	-	-	-	651,487
სულ გრძელვადიანი აქტივები	61,433,136	55,650,040	62,101,542	54,110,871
მოკლევადიანი აქტივები				
საგადასახადო აქტივები, ნეტო	931,034	433,227	613,526	7,120
სავაჭრო დებიტორული დავალიანება	1,364,860	648,381	715,562	822,890
გადახდილი ავანსები	249,061	2,506,915	34,304	-
სასაქონლო-მატერიალური მარაგები	143,799	473,477	7,039	1,821
ფულადი სახსრები და მათი ექვივალენტები	480,604	1,280,929	91,287	633,624
სულ მოკლევადიანი აქტივები	3,169,358	5,342,928	1,461,718	1,465,455
სულ აქტივები	64,602,493	60,992,968	63,563,260	55,576,326
საკუთარი კაპიტალი				
საკუთარი კაპიტალი	89,691	89,691	89,691	89,691
გაუნაწილებელი მოგება	7,621,817	757,566	5,489,623	(3,700,387)
სულ საკუთარი კაპიტალი	7,711,508	847,257	5,579,314	(3,610,696)
ვალდებულებები				
საიჯარო ვალდებულებები	591,833	434,944	572,070	465,518
პროცენტული სესხები	50,027,051	53,617,869	50,817,167	52,965,717
სულ გრძელვადიანი ვალდებულებები	50,618,885	54,052,813	51,389,237	53,431,235
მოკლევადიანი ვალდებულებები				
სავაჭრო და კრედიტორული დავალიანება	823,837	1,179,384	538,157	506,328
საიჯარო ვალდებულებები	77,294	66,784	77,294	27,086
პროცენტული სესხები	5,370,970	4,846,730	5,979,258	5,222,373
საგადასახადო ვალდებულება, ნეტო	-	-	-	-
სულ მოკლევადიანი ვალდებულებები	6,272,100	6,092,898	6,594,709	5,755,787
სულ ვალდებულებები	56,890,985	60,145,711	57,983,946	59,187,022
სულ საკუთარი კაპიტალი და ვალდებულებები	64,602,493	60,992,968	63,563,260	55,576,326

გიორგი შუკაკიძე
დირექტორი



გიგა მეყანწიშვილი
ფინანსური მენეჯერი




ინდივიდუალური შუალედური მოგება-ზარალის ანგარიშგება

	30/06/2023	30/06/2022	2022	2021
შემოსავალი ელექტროენერგიის რეალიზაციიდან	6,340,548	4,865,386	8,516,439	8,409,092
თვითღირებულება	(1,562,692)	(1,017,080)	(2,010,039)	(1,319,432)
საოპერაციო საქმიანობიდან მიღებული მოგება	4,777,856	3,848,306	6,506,400	7,089,660
ადმინისტრაციული ხარჯები	(986,268)	(498,773)	(1,286,774)	(1,029,985)
საპროცენტო ხარჯები	(2,664,936)	(1,973,048)	(4,040,725)	(4,294,340)
საკურსო სხვაობიდან მიღებული წმინდა მოგება/(ზარალი)	1,172,625	3,614,797	7,441,819	3,590,816
სხვა არასაოპერაციო ხარჯი	(86,414)	(320,197)	(640,251)	(84,934)
სხვა არასაოპერაციო შემოსავალი	41,916	3,288	1,830,432	91,740
მოგება/(ზარალი) გადასახადამდე	2,254,778	4,674,373	9,810,901	5,362,957
მოგების გადასახადის ხარჯი	(19,204)	(33,904)	(97,268)	-
წლის წმინდა მოგება/(ზარალი)	2,235,574	4,640,469	9,713,633	5,362,957
სხვა სრული შემოსავალი	-	-	-	-
სულ წლის სრული მოგება/(ზარალი)	2,235,574	4,640,469	9,713,633	5,362,957

ფულადი ნაკადების მოძრაობის ინდივიდუალური შუალედურიანგარიშგება

	30/06/2023	30/06/2022	2022	2021
ფულადი ნაკადები საოპერაციო საქმიანობიდან				
წლის მოგება/(ზარალი)	2,254,778	4,674,373	9,810,901	5,362,957
კორექტირებები:				
ცვეთა	885,061	729,387	1,482,854	973,883
კურსთაშორის სხვაობიდან მიღებული წმინდა მოგება/(ზარალი)	(1,172,625)	(3,614,797)	(7,441,819)	(3,590,816)
საპროცენტო ხარჯი	2,626,556	2,120,569	4,656,897	4,178,147
ძირითადი საშუალებების ჩამოწერა	55,999	-	132,822	-
საოპერაციო აქტივებისა და ვალდებულებების ცვლილება:				
სავაჭრო მოთხოვნების ზრდა	(656,268)	174,509	78,161	(588,876)
გადახდილი ავანსების ზრდა/(შემცირება)	(214,757)	(1,855,428)	616,600	(465,958)
მარაგების შემცირება	(140,813)	(471,656)	(5,218)	5,364
სავაჭრო და კრედიტორული დავალიანების ზრდა/(შემცირება)	305,456	682,180	29,777	(188,361)
საგადასახადო აქტივების ზრდა/(შემცირება)	(317,508)	(426,107)	(606,406)	(67,325)
სულ ცვლილება საოპერაციო აქტივებსა და ვალდებულებებში	3,625,880	2,013,030	8,754,569	5,619,015
გადახდილი პროცენტი	(2,738,310)	(1,663,876)	(3,049,363)	(8,479,708)
გადახდილი მოგების გადასახადი	(19,204)	(33,904)	(97,268)	-
საოპერაციო საქმიანობაში გენერირებული წმინდა ფულადი სახსრები	868,366	315,251	5,607,938	(2,860,693)
ფულადი ნაკადები საინვესტიციო საქმიანობიდან				
ძირითადი საშუალებების შეძენა	(5,000)	(159,728)	(334,103)	(255,371)
ძირითადი საშუალებების გაყიდვა	17,305	-	-	-
კაპიტალური დანახარჯები ძირითად საშუალებებზე	(267,654)	(2,769,419)	(9,739,873)	(5,230,048)
საინვესტიციო საქმიანობაში გამოყენებული წმინდა ფულადი სახსრები	(255,349)	(2,929,146)	(10,073,976)	(5,485,419)
ფულადი ნაკადები საფინანსო საქმიანობიდან				
მიღებული პროცენტიანი სესხები	17,408,029	15,180,572	23,537,372	15,829,409
გადახდილი დივიდენდი	(103,382)	(182,517)	(523,623)	-
პროცენტიანი სესხების დაფარვა	(17,501,211)	(11,691,251)	(18,921,991)	(6,689,749)
საიჯარო ვალდებულებების დაფარვა	(18,617)	(18,115)	(88,581)	(86,756)
საფინანსო საქმიანობიდან მიღებული წმინდა ფულადი ნაკადები	(215,180)	3,288,689	4,003,177	9,052,904

ფულადი სახსრების და მათი ექვივალენტების წმინდა შემცირება	397,836	674,793	(462,861)	706,792
ფული და ფულის ექვივალენტები წლის დასაწყისში	91,287	633,624	633,624	3,374
წმინდა საკუროს სხვაობა ფულად სახსრებსა და მათ ექვივალენტებზე	(8,518)	(27,488)	(79,476)	(76,542)
ფული და ფულის ექვივალენტები წლის ბოლოს	480,604	1,280,929	91,287	633,624

კაპიტალის მოძრაობის ინდივიდუალური შუალედური
ანგარიშგება

	საწესდებო კაპიტალი	გაუნაწილებელი მოგება/დაგროვილი ზარალი	სულ კაპიტალი
ნაშთი 2021 წლის 31 დეკემბერს	89,691	(3,700,387)	(3,610,696)
სულ წლის სრული შემოსავალი	-	9,713,633	9,713,633
გადახდილი დივიდენდი	-	(523,623)	(523,623)
ნაშთი 2022 წლის 31 დეკემბერს	89,691	5,489,623	5,579,314
სულ წლის სრული შემოსავალი	-	2,235,576	2,235,576
გადახდილი დივიდენდი	-	(103,382)	(103,382)
ნაშთი 2023 წლის 30 ივნისს	89,691	7,621,817	7,711,508

ინდივიდუალური შუალედური ანგარიშგების ახნა-განმარტებითი შენიშვნები

1. ძირითადი საქმიანობა

შპს „ენერჯი დეველოპმენტ ჯორჯია“ (შემდგომში კომპანია) არის შეზღუდული პასუხისმგებლობის საზოგადოება, რომელიც შეიქმნა საქართველოში 2015 წლის 1 სექტემბერს საქართველოს კანონმდებლობის შესაბამისად და რეგისტრირებულია საქართველოს საგადასახადო ორგანოების მიერ შემდეგი საიდენტიფიკაციო ნომრით (404485188). კომპანიის იურიდიული მისამართია საქართველო, ქ. თბილისი, ვაკისრაიონი, ვაჟა-ფშაველას გამზირი, N 70, ბიზნეს ცენტრი "სითი თაუერი" 17 სართული.

კომპანიის ძირითად საქმიანობას წარმოადგენს, ჰიდროელექტროსადგურების პროექტების განვითარება, ელექტროენერგიის გამოუმუშავება და რეალიზაცია საქართველოში და მის ფარგლებს გარეთ. 2015 წლის 31 მარტს საქართველოს მთავრობასა და კომპანიას შორის გაფორმდა მემორანდუმი, რომლის მიზანი იყო ჰიდროელექტროსადგურების სამშენებლო პროექტის ტექნიკურ-ეკონომიკური კვლევა, რის შემდეგაც 2016 წლის 29 დეკემბერს საქართველოს მთავრობასთან გაფორმებული მემორანდუმის საფუძველზე კომპანიამ მოიპოვა ჰიდროელექტროსადგურების, „საშულა ჰესი 1“ და „საშულა ჰესი 2“-ის, აშენების უფლება და საქართველოს მთავრობის მიერ პროექტის მიზნებისთვის გადაცემული იქნა საკუთრებაში 49 წლიანი აღნაგობის უფლებით მიწის ნაკვეთები. 2021 წლის 31 დეკემბრის მდგომარეობით აღნიშნული ჰიდროელექტროსადგურები შევიდა ექსპლუატაციაში და დაიწყო ელექტროენერგიის წარმოება/რეალიზაცია.

2019 წლის 17 ივნისს საქართველოს მთავრობასთან გაფორმდა კიდევ ერთი მემორანდუმი, რომლის საფუძველზეც კომპანიამ მოიპოვა უფლება მესამე ჰიდროელექტროსადგურის, „საშულა ჰესი“-ის მშენებლობა, ფლობა, ოპერირებაზე. საშულა ჰესის მშენებლობა დასრულებულია და წარმატებით ფუნქციონირებს.

ენერჯი დეველოპმენტ ჯორჯიას ასევე ჰყავს შვილობილი კომპანია შპს „ენერჯი თრეიდინგ გრუპი“ (405558524), რომელიც საანგარიშგებო პერიოდის განმავლობაში არ ფუნქციონირებდა და გავლენას არ ახდენს კომპანიის ფინანსურ ანგარიშგებებზე.

კომპანიის ძირითადი საოპერაციო აქტივები მდებარეობს საქართველოში, ჩოხატაურის მუნიციპალიტეტში.

2. მომზადების საფუძველი

აღნიშნული ინდივიდუალური შუალედური ფინანსური ანგარიშგება არააუდირებულია და ეფუძნება მხოლოდ და მხოლოდ მენეჯმენტის გათვლებს.

3. მნიშვნელოვანი სააღრიცხვო პოლიტიკა

ძირითადი საშუალებები

თავდაპირველი აღიარების დროს, ძირითადი საშუალებები აღირიცხება თვითღირებულებით. საწყისი

აღიარების შემდგომ, ძირითადი საშუალებების აღრიცხვა უნდა განხორციელდეს თვითღირებულებიდან დარიცხული ცვეთის და გაუფასურების ზარალის დაქვითვით. მცირე რემონტისა და ტექნიკური ხარჯები ირიცხება წარმოებისას. ძირითადი ნაწილების ან კომპონენტის ჩანაცვლების ღირებულება კაპიტალიზდება ან შეცვლილი ნაწილი ამოღებულია.

ძირითადი საშუალების გაყიდვის ან გამოყენებიდან ამოღების შედეგად წარმოშობილი ნებისმიერი მოგება ან ზარალი განისაზღვრება, როგორც სხვაობა გაყიდვებიდან მიღებულ შემოსავლებსა და აქტივის საბალანსო ღირებულებას შორის და აღიარდება მოგებასა ან ზარალში.

ცვეთის გამოთვლა წარმოებს იმგვარად, რომ განხორციელდეს აქტივის თვითღირებულების ჩამოწერა გამოთვლილი ნარჩენი ღირებულების გამოკლებით, მისი სასარგებლო მომსახურების ვადის განმავლობაში.

ცვეთის დარიცხვის მეთოდები, სასარგებლო გამოყენების ვადები და ნარჩენი ღირებულება გადაისინჯება ყოველი ფინანსური წლის ბოლოს და, საჭიროების შემთხვევაში, შესაბამისად კორექტირდება.

ძირითადი საშუალების ან მისი ერთეულის აღიარების შეწყვეტა ხდება მისი გაყიდვის შემთხვევაში, ან როდესაც აღარ არის მოსალოდნელი მომავალში ეკონომიკური სარგებლის მიღება აქტივის გამოყენებით. ძირითადი საშუალების გაყიდვის ან გამოყენებიდან ამოღების შედეგად წარმოშობილი ნებისმიერი მოგება ან ზარალი განისაზღვრება, როგორც სხვაობა გაყიდვებიდან მიღებულ შემოსავლებსა და აქტივის ნეტო საბალანსო ღირებულებას შორის და აღიარდება მოგებასა ან ზარალში.

დაუმთავრებელი მშენებლობა

დაუმთავრებელი მშენებლობა აღიარებულია თვითღირებულებით. კომპანია ახორციელებს ჰესების მშენებლობას, რომელსაც ესაჭიროება გარკვეული დრო, რათა ეს გრძელვადიანი აქტივები მიიყვანოს იმ მდგომარეობამდე, რაც აუცილებელია აქტივის გამოსაყენებლად ხელმძღვანელობის მიერ დასახული მიზნებისათვის. სანამ სამშენებლო პროცესი არ მივა ასეთ მდგომარეობამდე, კომპანია მას აღრიცხავს როგორც დაუმთავრებელ მშენებლობას და შემდეგ გადააქვს ძირითადი საშუალებების შესაბამის ჯგუფზე.

ფინანსური აქტივები

კლასიფიკაცია და შემდგომი შეფასება

ფინანსური აქტივების კლასიფიკაცია და შემდგომი დამოკიდებულია შემდეგ ფაქტორებზე:

ა) ორგანიზაციის ბიზნესმოდელი, რომელიც გამოიყენება ფინანსური აქტივების მართვისთვის

და ბ) ფინანსური აქტივის სახელშეკრულებო ფულადი ნაკადების მახასიათებლები

აღნიშნულ ფაქტორებზე დაყრდნობით კომპანია ახდენს ფინანსური აქტივების კლასიფიცირებას ერთ-ერთში შემდგომი სამი საზომი კატეგორიიდან:

- ამორტიზირებული ღირებულება: ორგანიზაცია ფინანსურ აქტივს ფლობს ისეთი ბიზნესმოდელის პირობებში, რომლის მიზანია ფინანსური აქტივების ფლობა სახელშეკრულებო ფულადი ნაკადების მიღების მიზნით და ფინანსური აქტივის სახელშეკრულებო პირობები კონკრეტულ თარიღებს ადგენს ისეთი ფულადი ნაკადების მიღებისთვის, რომლებიც წარმოადგენს მხოლოდ ძირითადი თანხისა და ძირითადი თანხის დაუფარავ ნაწილთან დაკავშირებული პროცენტის გადახდას. აქტივის ღირებულება კორექტირდება მოსალოდნელი საკრედიტო ზარალის ანარიცხების აღიარებით. საპროცენტო შემოსავალი აღნიშნული აქტივებისთვის კლასიფიცირდება როგორც „საპროცენტო და მსგავსი ტიპის შემოსავალი“

ეფექტური საპროცენტო განაკვეთის მეთოდის გამოყენებით.

რეალური ღირებულება სხვა სრულ შემოსავალში ასახვით: ფინანსური აქტივი, რომელსაც ორგანიზაცია ფლობს ისეთი ბიზნესმოდელის პირობებში, რომლის მიზანია როგორც სახელშეკრულებო ფულადი ნაკადების მიღება, ასევე ფინანსური აქტივების გაყიდვა და ფინანსური აქტივის სახელშეკრულებო პირობები კონკრეტულ თარიღებს ადგენს ისეთი ფულადი ნაკადების მიღებისთვის, რომლებიც წარმოადგენს მხოლოდ ძირითადი თანხისა და ძირითადი თანხის დაუფარავ ნაწილთან დაკავშირებული პროცენტის გადახდას აღიარებულია როგორც რეალური ღირებულება სხვა სრულ შემოსავალში ასახვით, ღირებულებაში მოძრაობები აისახება სხვა სრულ შემოსავალში გარდა გაუფასურების მოგებისა და ზარალის აღიარებისა, საპროცენტო შემოსავლისა და კურსთაშორის სხვაობის ეფექტისა რომელიც აღიარდება მოგება-ზარალში. როდესაც ფინანსური აქტივის აღიარების შეწყვეტა ხდება კუმულატიური მოგება ან ზარალი რომლის ასახვაც მოხდა სხვა სრულ შემოსავალში რეკლასიფიცირდება კაპიტალიდან მოგება-ზარალში და აღიარდება

„წმინდა საინვესტიციო შემოსავალი“. საპროცენტო შემოსავალი ფინანსური აქტივისგან კლასიფიცირდება როგორც საპროცენტო შემოსავალი ეფექტური საპროცენტო განაკვეთის მეთოდის გამოყენებით.

- რეალური ღირებულება მოგება-ზარალში ასახვით: აქტივი რომელიც შეფასებული არ არის ამორტიზებული ღირებულებით ან რეალური ღირებულებით სხვა სრულ შემოსავალში ასახვით აღიარდება რეალური ღირებულებით მოგება-ზარალში.

ბიზნეს-მოდელი - ორგანიზაციის ბიზნეს-მოდელი გვიჩვენებს, როგორ მართავს საწარმოო თავის ფინანსურ აქტივებს, ფულადი ნაკადების გენერირების მიზნით, ანუ ორგანიზაციის ბიზნეს-მოდელით განისაზღვრება, რა სახით წარმოიქმნება ფულადი ნაკადები: სახელშეკრულებო ფულადი ნაკადების მიღებით, ფინანსური აქტივების გაყიდვით, თუ ერთობლივად ორივე გზით. თუ არცერთი აღნიშნული მოდელი არ არის შესაბამისობაში ასეთ შემთხვევაში ფინანსური აქტივი კლასიფიცირდება როგორც სხვა ბიზნეს-მოდელი და იზომება სამართლიანი ღირებულებით.

მხოლოდ იმ შემთხვევაში, როდესაც ორგანიზაცია ცვლის ფინანსური აქტივების მართვის ბიზნესმოდელს, იგიახდენს ყველა შესაბამისი ფინანსური აქტივის რეკლასიფიკაციას.

SPPI ტესტი: ბიზნეს-მოდელის იმ კატეგორიას, სადაც აქტივების ფლობის მიზანია სახელშეკრულებო ფულადი ნაკადების შეგროვება ან სახელშეკრულებო ფულადი ნაკადების შეგროვება და გაყიდვა, კომპანია აფასებს ფინანსური ინსტრუმენტებიდან მისაღები ფულადი ნაკადები წარმოადგენს თუ არა ძირის და პროცენტის გადახდას (SPPI ტესტი).

შეფასებისას, კომპანია განსაზღვრავს, შეიცავს თუ არა სახელშეკრულებო ფულადი ნაკადები თანმიმდევრულ გადახდებს საკრედიტო შეთანხმების მიხედვით. მაგალითად, პროცენტი მოიცავს თუ არა ანაზღაურებას ფულის დროითი ღირებულების, გარკვეული პერიოდის განმავლობაში დაუფარავ ძირითადთან დაკავშირებულ საკრედიტო რისკსა და გასესხებასთან დაკავშირებულ სხვა ტიპური რისკებისა და დანახარჯების სანაცვლოდ, ასევე მოგების მარჟას. თუ სახელშეკრულებო პირობები მნიშვნელოვნად ზრდის რისკს ან არასტაბილურობას, რაც არ არის შესაბამისობაში სესხის ძირითად ხელშეკრულებასთან, დაკავშირებული ფინანსური აქტივი კლასიფიცირდება და ფასდება სამართლიანი ღირებულებით, მოგება ან ზარალში ასახვით. მხოლოდ იმ შემთხვევაში, როდესაც ორგანიზაცია ცვლის ფინანსური აქტივების მართვის ბიზნესმოდელს, იგი ახდენს ყველა შესაბამისი ფინანსური აქტივის რეკლასიფიკაციას.

საანგარიშგებო პერიოდისთვის კომპანიას არ გააჩნია ფინანსური აქტივები რომლებიც აღრიცხულია სამართლიანი ღირებულებით მოგება ზარალში/სხვა სრულ შემოსავალში ასახვით.

წილობრივი ინსტრუმენტები

წილობრივი ინსტრუმენტი წარმოადგენს ნებისმიერ კონტრაქტს, რომელიც ადასტურებს კომპანიის აქტივებში წილის, ყველა ვალდებულების გამოქვითვის შემდეგ. კომპანიის მიერ გამოშვებული წილობრივი ინსტრუმენტები აღიარებას ექვემდებარება მიღებულ შემოსავლებთან ერთად გამოშვების ხარჯების გამოკლებით. წილობრივი ინსტრუმენტების მაგალითია ჩვეულებრივი აქციები.

ფინანსური აქტივების გაუფასურება

კომპანია აღიარებს გაუფასურების რეზერვის ხარჯს იმ ფინანსურ აქტივებზე, რომლებიც აღირიცხება ამორტიზირებული ღირებულებით წლის მოგება/ზარალში. გაუფასურების რეზერვის ხარჯი დამოკიდებულია კომპანიის მიერ საანგარიშო პერიოდის ბოლოს შეფასების მიხედვით, მნიშვნელოვნად გაიზარდა თუ არა ფინანსური ინსტრუმენტის საკრედიტო რისკი თავდაპირველი აღიარების შემდეგ, დასაბუთებული ინფორმაციის საფუძველზე. იმ შემთხვევაში როცა პირველადი აღიარების შემდეგ საკრედიტო რისკის ზემოქმედების მნიშვნელოვანი ზრდა არ ყოფილა, შეფასებულია 12 თვის მოსალოდნელი საკრედიტო ზარალი. ეს წარმოადგენს აქტივის მომსახურების ვადის განმავლობაში მოსალოდნელი საკრედიტო ზარალის ნაწილს, რომელიც მიეკუთვნება ნაგულისხმევ მოვლენას, რაც შესაძლებელია მომდევნო 12 თვის განმავლობაში. როდესაც ფინანსური აქტივი გაუფასურდა ან თუ დადგინდა, რომ საკრედიტო რისკი მნიშვნელოვნად გაიზარდა, ზარალის ანაზღაურება ხდება აქტივის სიცოცხლის განმავლობაში მოსალოდნელი საკრედიტო ზარალის საფუძველზე. სავარაუდო საკრედიტო ზარალის ოდენობა იზომება ფასის სავარაუდო დეფიციტის სავარაუდო შეწონილი ღირებულების საფუძველზე, რომელიც ფასდაკლებულია თავდაპირველი ეფექტური პროცენტით.

ფინანსური აქტივებისთვის, რომლებზეც სავალდებულოა შეფასებულ იქნას რეალური ღირებულებით სხვა სრულ შემოსავლებში, ზარალის ანაზღაურება აღიარებულია სხვა სრულ შემოსავლებში შესაბამისი ხარჯებით. ყველა სხვა შემთხვევაში, გაუფასურების რეზერვის ხარჯი ამცირებს აქტივის საბალანსო ღირებულებას შესაბამისი ხარჯით სრულ მოგება/ზარალში.

სავაჭრო მოთხოვნების გაუფასურება

კომპანიამ გამოიყენა გამარტივებული მიდგომა მოსალოდნელი საკრედიტო ზარალის გამოსათვლელად, რომელიც იყენებს სიცოცხლის განმავლობაში მოსალოდნელი ზარალის ანაზღაურებას. მოსალოდნელი საკრედიტო ზარალის გამოსათვლელად, სავაჭრო მოთხოვნები დაჯგუფებულია ვადაგადაცილებული დღეების მიხედვით. სხვა მოთხოვნები აღიარებულია ამორტიზებული ღირებულებით, შემცირებული სავარაუდო საკრედიტო ზარალით.

აღიარების შეწყვეტა: ფინანსური აქტივების აღიარების შეწყვეტა ხდება მაშინ, როდესაც ფინანსური აქტივებიდან მისაღებ ფულად ნაკადებს მიღების სახელშეკრულებო ვადა ეწურება ან როდესაც ხდება შემდეგიორი სიტუაციიდან ერთ-ერთი: 1) ორგანიზაცია გადასცემს ფინანსური აქტივიდან ფულადი სახსრების მიღების სახელშეკრულებო უფლებას ან 2) არც გადასცემს და არც ინარჩუნებს ფინანსური აქტივის საკუთრებასთან დაკავშირებულ პრაქტიკულად ყველა რისკსა და სარგებელს და არ ინარჩუნებს კონტროლს ფინანსურ აქტივზე.

ფინანსური ვალდებულებები

კლასიფიკაცია და შემდგომი შეფასება

როგორც მიმდინარე, ისე წინა პერიოდში, ფინანსური ვალდებულებები კლასიფიცირებული და შეფასებულია ამორტიზებული ღირებულებით, გარდა:

ა) ფინანსური ვალდებულებები, რომლებიც აისახება სამართლიანი ღირებულებით მოგება-ზარალში.

ასეთი ვალდებულებები, მათ შორის წარმოებული ფინანსური ინსტრუმენტები, შემდგომში უნდა შეფასდესერთეულის მიერ სამართლიანი ღირებულებით;

ბ) ფინანსური ვალდებულებები, რომლებიც წარმოიქმნება მაშინ, როდესაც ფინანსური აქტივის გადაცემა არ აკმაყოფილებს აღიარების შეწყვეტის კრიტერიუმებს, ან როდესაც გამოიყენება აქტივების შენარჩუნების მიდგომა;

გ) ფინანსური გარანტიის ხელშეკრულება.

წარმოდგენილ პერიოდებში კომპანიას არ გააჩნია სამართლიანი ღირებულებით მოგება/ზარალში ან სხვასრულ შემოსავალში ასახული ფინანსური ვალდებულებები.

მიღებული სესხები

სესხის აღების ხარჯები, რომლებიც პირდაპირ მიეკუთვნება აქტივების შეძენას, მშენებლობას ან წარმოებას, რომლებსაც აუცილებლად სჭირდებათ მნიშვნელოვანი დრო დანიშნულებისამებრ გამოყენების ან გასაყიდადმოსამზადებლად (კვალიფიცირებული აქტივები), კაპიტალიზდება, როგორც ამ აქტივების ხარჯების ნაწილი. ყველა სხვა სესხის აღების ხარჯები აღიარდება იმ პერიოდში, როდესაც ისინი წარმოიქმნება. სესხის აღების ხარჯები შედგება პროცენტებისა და სხვა ხარჯებისგან, რომლებიც წარმოიქმნება ნასესხები სახსრებიდან. კომპანიას აქვს სესხები მისი მფლობელისგან ძირითადი საქმიანობის დასაფინანსებლად.

აღიარების შეწყვეტა

ორგანიზაცია ფინანსურ ვალდებულებას (ან ფინანსური ვალდებულების ნაწილი) ფინანსური მდგომარეობის ანგარიშგებიდან მხოლოდ იმ შემთხვევაში იღებს, როდესაც ის შესრულდება - ე.ი. როდესაც ხელშეკრულებით განსაზღვრული ვალდებულება დაიფარება, გაუქმდება ან ვადა გაუვა. არსებითად განსხვავებული პირობებისმქონე სავალო ინსტრუმენტის გაცვლა არსებულ გამსესხებელსა და მსესხებელს შორის განხილულ უნდა იქნეს, როგორც თავდაპირველი ფინანსური ვალდებულების დაფარვა და ახალი ფინანსური ვალდებულების აღიარება. პირობები არსებითად განსხვავებულად მიიჩნევა, თუ თავდაპირველი ეფექტური საპროცენტო განაკვეთით განსაზღვრული ახალი პირობების შესაბამისი ფულადი ნაკადების დღევანდელი ღირებულება, ნებისმიერი ნეტო გადახდილი საზღაურის (გადახდილ საზღაურს მინუს მიღებული საზღაური) ჩათვლით, სულ მცირე 10 პროცენტით განსხვავდება თავდაპირველი ფინანსური ვალდებულების დარჩენილი ფულადი ნაკადების დღევანდელი ღირებულებისაგან. თუ სავალო ინსტრუმენტების გაცვლა ან პირობების შეცვლა განიხილება როგორც გაუქმება, ნებისმიერი წარმოშობილი დანახარჯები თუ საზღაური უნდა აღიარდეს, როგორც გაუქმების შედეგად მიღებული შემოსულობა ან ზარალი. თუ სავალო ინსტრუმენტების გაცვლა ან პირობების შეცვლა არ განიხილება, როგორც გაუქმება, ნებისმიერი წარმოქმნილი დანახარჯები თუ საზღაური აკორექტირებს ვალდებულების საბალანსო ღირებულებას და ამორტიზდება მოდიფიცირებული ვალდებულების დარჩენილი ვადის განმავლობაში

ფული და ფულის ექვივალენტები

ფული და ფულის ექვივალენტები შედგება ნაღდი ფულისგან სალაროში და ბანკებში განთავსებულ მიმდინარე ანგარიშებზე არსებული ფულისგან, რომლებიც ექვემდებარება ფასის შეცვლის მცირე რისკს.

შემოსავლის აღიარება

იმისათვის, რომ შემოსავალი იქნეს აღიარებული კომპანიამ უნდა შეასრულოს ხუთ-საფეხურიანი პროცესი:

1. მომხმარებელთან დადებული ხელშეკრულების იდენტიფიცირება;

2. შესრულების ვალდებულებების განსაზღვრა;
3. გარიგების ფასის განსაზღვრა;
4. გარიგების ფასის განაწილება შესრულების ვალდებულებებზე;
5. შემოსავლის აღიარება, როდესაც შესრულების ვალდებულება(ებ)ი დაკმაყოფილებულია.

შემოსავლის აღიარება ხდება იმ დროს ან დროის განმავლობაში, როდესაც კომპანია ასრულებს ვალდებულებებს კლიენტებისთვის დაპირებული საქონლის ან მომსახურების გადაცემით. აქტივის გადაცემა ხდება მაშინ, როდესაც მომხმარებელი მიიღებს კონტროლს ამ აქტივზე. აქტივის კონტროლი გულისხმობს აქტივის გამოყენებას და არსებითად ყველა დარჩენილი სარგებლის მიღებას.

შემოსავალი ელექტროენერგიის გაყიდვიდან

კომპანია შემოსავალს იღებს ელექტროენერგიის წარმოებისა და რეალიზაციის შედეგად საქართველოს მთელ ტერიტორიაზე. შემოსავლის აღიარება ხდება დროის გარკვეულ მომენტში მიწოდებული ელექტროენერგიის მოცულობის საფუძველზე, რომელიც განისაზღვრება საქართველოს მაღალი ძაბვის ელექტროქსელის ოპერატორის - საქართველოს სახელმწიფო ელექტროსისტემის მიერ გაცემული ელექტროენერგიის მიღება-ჩაბარების აქტით.

გადასახადები

2016 წლის ივნისში შევიდა ცვლილებები საქართველოს საგადასახადო კანონში საშემოსავლო გადასახადის შესახებ. ცვლილებები ძალაში შედის 2017 წლის 1 იანვრიდან ყველა ქართული კომპანიისთვის, გარდა ბანკების, სადაზღვევო კომპანიებისა და მიკროსაფინანსო ორგანიზაციებისა. ახალი რეგულაციის მიხედვით, საშემოსავლო გადასახადი დაეკისრება დივიდენდების სახით განაწილებულ მოგებაზე და არა მოქმედი რეგულაციის მიხედვით მიღებულ მოგებას. დივიდენდის განაწილებაზე გადასახდელი თანხა გამოითვლება წმინდა განაწილებული თანხის 15/85. კომპანიებს შეეძლებათ 2008-2016 წლებში მიღებული მოგებიდან დივიდენდის განაწილებიდან წარმოქმნილი საშემოსავლო გადასახადის ვალდებულება მოქმედი რეგულაციებით შესაბამისი პერიოდისთვის გადახდილი საშემოსავლო გადასახადის ოდენობით. საქართველოს რეზიდენტ კომპანიებს შორის დივიდენდების განაწილება არ დაექვემდებარება საშემოსავლო გადასახადს.

არაფინანსური აქტივების გაუფასურება

განუსაზღვრელი სასარგებლო მომსახურების ვადის მქონე აქტივებს ცვეთა არ ერიცხება და ხდება მათი ყოველწლიური ტესტირება გაუფასურებაზე. აქტივები, რომლებიც ცვეთას ექვემდებარებიან, გაუფასურებაზე ტესტს გადიან მაშინ, როდესაც მოვლენები ან გარემოებათა ცვლილებები მიანიშნებენ, რომ მათი საბალანსო ღირებულება შეიძლება არ იყოს ანაზღაურებადი. გაუფასურების ზარალი მომენტალურად აისახება, როგორც ხარჯი იმ შემთხვევაში, როცა აქტივის საბალანსო ღირებულება აჭარბებს მის ანაზღაურებად ღირებულებას.

ანაზღაურებადი ღირებულება განისაზღვრება, როგორც უდიდესი აქტივის გამოყენების ღირებულებასა და მის სამართლიან ღირებულებას შორის შემცირებული რეალიზაციის დანახარჯებით. თუ აქტივის ანაზღაურებადი ღირებულება ან ფულადი სახსრების წარმომქმნელი ერთეული შეფასებულია საბალანსო ღირებულებაზე ნაკლებად, მაშინ საბალანსო ღირებულება მცირდება მის ანაზღაურებად ღირებულებამდე. გაუფასურების ზარალის ხარჯად აღიარება ხდება დაუყოვნებლივ, გარდა იმ შემთხვევისა, როცა აქტივი არის წარმოდგენილი გადაფასებული ღირებულებით და გაუფასურების ზარალი პირდაპირ ამცირებს გაუფასურების რეზერვს.

როცა გაუფასურების ზარალის ანუღირება ხდება, მაშინ აქტივის საბალანსო ღირებულება იზრდება მის ანაზღაურებად ღირებულებამდე, მაგრამ ისე, რომ გაზრდილი საბალანსო ღირებულება არ აჭარბებდეს საბალანსო ღირებულებას, რომელიც განსაზღვრული იქნებოდა წინა პერიოდის გაუფასურების

არარსებობის შემთხვევაში. გაუფასურების ანუღირება დაუყოვნებლივ აღიარდება შემოსავალში, თუ ეს აქტივი არ აღირიცხება გადაფასებული ღირებულებით, რა შემთხვევაშიც ნებისმიერი გაუფასურების ზარალის ანუღირება განისაზღვრება როგორც გადაფასების ზრდა.

მარაგები

მარაგები აღირიცხება თვითღირებულებასა და წმინდა სარეალიზაციო ღირებულებას შორის ყველაზე დაბალი ღირებულებით. სასაქონლო მატერიალური მარაგების ღირებულება განისაზღვრება საშუალო შეწონილი მეთოდის გამოყენებით. წმინდა სარეალიზაციო ღირებულება არის ბიზნესის ჩვეულებრივ პირობებში საქმიანობისას არსებული აქტივის გასაყიდ ფასს გამოკლებული დანახარჯები, დაკავშირებული აქტივის გაყიდვასთან. მარაგები აღირიცხება საშუალო შეწონილი მეთოდით და მოიცავს ხარჯებს, რომლებიც დაკავშირებულია აქტივის შეძენასთან და სამუშაო მდგომარეობაში მოთავსებასთან.

წინასწარი გადახდები

წინასწარი გადახდა კლასიფიცირდება გრძელვადიანად როდესაც საქონელი ან მომსახურება, რომელიც სავარაუდოდ, მიღებული იქნება ერთი წლის შემდეგ, ან რომელიც თავად კლასიფიცირებული უნდა იყოს როგორც გრძელვადიანი აქტივი.

ძირითადი საშუალებებისთვის განკუთვნილი წინასწარი გადახდები აღიარდება, როგორც ძირითადი საშუალება მაშინ, როდესაც კომპანია მიიღებს სრულ კონტროლს ამ ძირითად საშუალებაზე, რომლიდანაც მოსალოდნელია მომავალი ეკონომიკური სარგებელი. სხვა წინასწარი გადახდები ჩამოიწერება მოგებაში ან ზარალში როდესაც ხდება იმ საქონლის ან მომსახურების მიღება, რომელიც დაკავშირებულია წინასწარი გადახდებთან. თუ არის რაიმე სახის ეჭვი, რომ საქონელი, მომსახურება ან ძირითადი საშუალება არ იქნება მიღებული, რომლისთვისაც გაწეულია წინასწარი ხარჯი, ამ შემთხვევაში ხდება წინასწარ გაწეული ხარჯის ჩამოწერა მიმდინარე პერიოდის მოგება-ზარალში.

საწესდებო კაპიტალი

საწესდებო კაპიტალი აღიარდება კაპიტალის ცვლილების ანგარიშგებაში და განისაზღვრება მფლობელის გადაწყვეტილებით. იმ შემთხვევაში როდესაც კაპიტალში შეტანილია არაფულადი შენატანი სხვაობა მფლობელის მიერ დადგენილ კაპიტალის ოდენობასა და შეტანილი აქტივების სამართლიან ღირებულებას შორის აღიარდება როგორც დამატებით შეტანილი კაპიტალი. დივიდენდები აღირიცხება, როგორც ვალდებულება იმ პერიოდისთვის, რომელშიც გამოცხადდა.

წარსადგენი ვალუტა, უცხოური ვალუტის კონვერტაცია

ფინანსური ანგარიშგება წარმოდგენილია ლარში, რაც კომპანიის სამუშაო და წარსადგენი ვალუტაა. უცხოურ ვალუტაში განხორციელებული ოპერაციები აღირიცხება სამუშაო ვალუტაში, რომლის კონვერტაცია ხდება ოპერაციის დღეს არსებული გაცვლითი კურსით. უცხოურ ვალუტაში გამოხატული ფულადი აქტივებისა და ვალდებულებების კონვერტაცია ლარში ხდება საქართველოს ეროვნული ბანკის მიერ გამოცხადებული და ანგარიშგების თარიღისთვის მოქმედი ოფიციალური გაცვლითი კურსით. უცხოურ ვალუტაში განხორციელებული ოპერაციების კონვერტაციით გამოწვეული მოგება-ზარალი აღიარებულია მოგება-ზარალის ანგარიშგებაში, როგორც უცხოური ვალუტის კონვერტაციით გამოწვეულ მოგებას გამოკლებული ზარალი-საკურსო სხვაობა.

შპს ენერჯი დეველოპმენტ
ჯორჯია

ინდივიდუალური

შუალედური

მმართველობითი

ანგარიშგება

ინფორმაცია ენერჯი დეველოპმენტ ჯორჯიას შესახებ

შპს „ენერჯი დეველოპმენტ ჯორჯია“ (შემდგომში კომპანია) არის შეზღუდული პასუხისმგებლობის საზოგადოება, რომელიც შეიქმნა საქართველოში 2015 წლის 1 სექტემბერს საქართველოს კანონმდებლობის შესაბამისად და რეგისტრირებულია საქართველოს საგადასახადო ორგანოების მიერ შემდეგი საიდენტიფიკაციო ნომრით (404485188). კომპანიის იურიდიული მისამართია საქართველო, ქ. თბილისი, ვაკის რაიონი, ვაჟა-ფშაველას გამზირი, N 70, ბიზნეს ცენტრი "სითი თაუერი" 17 სართული.

კომპანიის ძირითად საქმიანობას წარმოადგენს, ჰიდროელექტროსადგურების პროექტების განვითარება, ელექტროენერგიის გამომუშავება და რეალიზაცია საქართველოში და მის ფარგლებს გარეთ.

კომპანია ფლობს საქართველოში ჩოხატაურის მუნიციპალიტეტში არსებულ 3 ჰიდროელექტროსადგურს: საშულა ჰესი 1 , საშულა ჰესი 2 , საშულა ჰესი.

ჰიდროელექტროსადგურების დადგმული ჯამური სიმძლავრე შეადგენს 15,2 მგვტ-ს; საშულა წლიური გამომუშავებით 68 მილიონი კვტ.სთ.

კომპანიის სამომავლო გეგმები

კომპანიამ წარმატებით დაასრულა ჰიდროელექტროსადგურების მშენებლობა. დღეის მდგომარეობით ოპერირებს , აწარმოებს ელექტროენერგიას და რეალიზაციას ახდენს როგორც ადგილობრივ ბაზარზე ასევე ახორციელებს ექსპორტს.

კომპანიის მიერ წარმოებული სამეცნიერო-კვლევითი სამუშაოების მიმოხილვა

პროექტის განვითარების საწყის ეტაპზე, კომპანიის მიერ დაქირავებული იქნა სხვადასხვა საპროექტო, კვლევითი ორგანიზაციები, შესწავლილ იქნა პროექტის/ჰიდროელექტროსადგურების განთავსების ტერიტორიის სეისმური, გეოლოგიური, გეოტექნიკური მდგომარეობა, მოძიებული იქნა ჰიდროლოგიური და მეტეოროლოგიური მონაცემები, მომზადდა შესაბამისი რეპორტები. მომზადდა პროექტის ტექნიკურ-ეკონომიკური განხორციელებადობის ანგარიში, დეტალური დიზანი , რომლის მომზადებისთვისაც გამოყენებულ იქნა საუკეთესო საინჟინრო პრაქტიკის საფუძვლები. შესწავლილ იქნა საკვლევი ტერიტორიის ფლორა, ფაუნა და სოციალური საკითხები, განისაზღვრა პროექტის გავრცელების არეალში გარემოზე შესაძლო ზიანის შემარბილებელი ღონისძიებები, მიღებული შედეგებით ნათლად ჩანს პროექტი წარმოადგენს დღეს ერთ-ერთი საუკეთესო ენერგეტიკული ობიექტს საინჟინრო პრაქტიკის საუკეთესო გამოვლინებას, ეკოლოგიური და გარემოსდაცვითი ფაქტორების სრულად გათვალისწინებით.

გარემოსდაცვითი საკითხები

შპს ენერჯი დეველოპმენტ ჯორჯია საამშენებლო და საექსპლუატაციო პროცესის დროს მოქმედებს საქართველოში გარემოსდაცვითი პოლიტიკის შესაბამისად, გარემოსდაცვითი კოდექსის მოთხოვნების გათვალისწინებით, მუდმივად მიმდინარეობს გარემოს დაცვისა და სოფლის მეურნეობის სამინისტროს მიერ გაცემული ეკოლოგიური ექსპერტიზისა და გარემოსდაცვითი გადაწყვეტილების შესაბამისად განსაზღვრული მოთხოვნების შესაბამისი პროცედურების დაცვას, მოთხოვნილი პერიოდული კვლევების შედეგების შესახებ სამინისტროსთვის წარდგენას.

მთავარი რისკები და გაურკვევლობები

კომპანია არ არის აქტიურად ჩართული ფინანსური აქტივებით ვაჭრობაში სპეკულაციური მიზნებისთვის და არც წერს ოფციონებს. ყველაზე მნიშვნელოვანი ფინანსური რისკები, რომლებსაც კომპანია ექვემდებარება, აღწერილია ქვემოთ.

საბაზრო რისკი

საბაზრო რისკი არის რისკი იმისა, რომ ფინანსური ინსტრუმენტის სამომავლო ფულადი ნაკადების სამართლიანი ღირებულება ცვალებადი იქნება საბაზრო ფასების მერყეობის გამო. საბაზრო ფასები ორი ტიპის რისკს მოიცავს: საპროცენტო განაკვეთის რისკს და სავალუტო რისკს. ფინანსური ინსტრუმენტები, რომლებზეც საბაზრო რისკები მოქმედებს მოიცავს პროცენტთან სესხებს და ფულადი სახსრების ნაშთს ბანკში.

სავალუტო რისკი

სავალუტო რისკი არის რისკი, რომ შესაძლოა კომპანიის ფინანსურ შედეგებზე უარყოფითი ზემოქმედება გამოიწვიოს იმ კურსის ცვლილებამ, რომელსაც კომპანია ექვემდებარება. კომპანია ახორციელებს უცხოურ ვალუტაში დენომინირებულ გარკვეულ ოპერაციებს. კომპანია არ იყენებს რომელიმე წარმოებულს უცხოური ვალუტის რისკის ზემოქმედების მართვისთვის.

მთავარი ფინანსური ინდიკატორები

კომპანიას აქვს ათეულობით მილიონი ლარის აქტივები, რომლის დიდ ნაწილს წარმოადგენს ძირითადი საშუალებები. ძირითადი საშუალებები თავდაპირველად აღიარდება თვითღირებულებით შემცირებული დაგროვილი ცვეთით და გაუფასურების ანარიცხით.

კომპანიის შემოსავლის ძირითადი წყაროა მფლობელობაში არსებული ჰიდროელექტროსადგურებიდან გამომუშავებული ელექტროენერგიის რეალიზაცია.

შპს „ენერჯი დეველოპმენტ ჯორჯიას“

პასუხისმგებელი პირების განცხადება

საჯარო ემისიასთან დაკავშირებით „ემიტენტის“ არსებული ვალდებულებების ფარგლებში, შესაბამისი ფინანსური ანგარიშგების საერთაშორისო სტანდარტების (IFRS) მიხედვით მომზადებული ფინანსური ანგარიშგებები სრულად, სწორად და სამართლიანად ასახავს ემიტენტის აქტივებს, ვალდებულებებს, ფინანსურ მდგომარეობასა და მოგება-ზარალს.


მმართველობის ანგარიშგება სამართლიანად და ამომწურავად მიმოიხილავს ემიტენტის საქმიანობის განვითარებას, შედეგებსა და მდგომარეობას, ასევე არსებული ძირითადი რისკების აღწერას.

პასუხისმგებელი პირების განცხადება და „შპს ენერჯი დეველოპმენტ ჯორჯიას“ 2023 წლის მმართველობითი ანგარიშგება დამტკიცდა დირექტორისა და სამეთვალყურეო თავმჯდომარის მიერ 2023 წლის 4 აგვისტოს.



სამეთვალყურეო საბჭოს თავმჯდომარე

მინდია საბანაძე



დირექტორი

გიორგი შუკაკიძე

